

Årsrapport for

Sogn og Fjordane Næringsråd 2020



Styre i 2020 har vore:

Yngve Hallén, styreleiar
Leif Arne Åsen, nestlediar
Elin Tveit Sveen
Tore Bråstad
Jon B Nesje
Jannet Aksnes
Geir Arne Solheim

Det har vore halde 3 ordinære styremøte i 2020 i tillegg til eit telefonstyremøte og eit drøftingsmøte om politiske saker. På grunn av koronarestriksjonar har dei fleste fellesarrangementa som var planlagde 2020 bortsett frå Generalforsamlinga blitt avlyste.



Økonomi:

Sogn og Fjordane Næringsråd har eit overskot på 47.147,- kroner i 2020. Inntektene har kome frå medlemskontingent og økonomisk støtte på 300.000,- kroner frå kvar av fadderbankane Sparebanken Sogn og Fjordane og Sparebanken Vest. SFN har hatt eit stabilt medlemstal på ca. 120 medlemmar i 2020. På grunn av koronarestriksjonane har det vore mindre reiseaktivitet enn tidlegare.

Tilbakeblikk på 2020.

Vi har bak oss eit svært spesielt og krevjande år på alle måtar. Koronapandemien har sett sitt preg på det meste vi har gjort både som enkeltpersonar, næringsliv og offentlege myndigheter. For mange av våre medlemsbedrifter har det vore eit svært krevjande år med stor usikkerheit både for det daglege og for framtida. Særleg gjeld dette for reiselivet. For andre har det gått betre, og det er å håpe at etter kvart som fleire og fleire blir vaksinert kan vi kome tilbake til ein meir normal situasjon både for næringslivet og for samfunnet.



Generalforsamling på Thon Hotell Jølster 17. juni.

Det var planlagt å ha Generalforsamling 27. april, men på grunn av koronapandemien var den utsett to gongar. Heldigvis fekk vi til eit fysisk møte 17. juni, og det var svært kjekt å kunne møtast igjen ansikt til ansikt. Hovudtema for Generalforsamlinga var Norge mot 2025 og koronakonsekvensar. Sjefsøkonom i Sparebank 1, Elisabeth Holvik var hovudgjest og ho hadde eit svært interessant innlegg om global økonomi og arbeidet i regjeringa sitt ekspertutval «Norge mot 2025». Det vart lagt til rette for fleire viktig samtalar mellom bedrifter og Holvik på før Generalforsamlinga og i dagane etter. Richard Grov og Solrunn Hjelleflat fekk møte Holvik før Generalforsamlinga og Holvik besøkte også Brødrene Aa og næringslivet i Stryn i



tillegg til næringslivet i Vågsøy. Elisabeth Holvik er frå Måløy og vi har god kontakt også etter Generalforsamlinga. Vestland fylkeskommune og Næringsalliansen deltok også på Generalforsamlinga.

Arild Bødal, Jorunn Åsfrid Rørvik og Agnar Lyng gjekk ut av styre og Jon B Nesje, Jannet Aksnes og Geir Arne Solheim vart valde til nye styremedlemar.



Næringspolitiske saker.

Sogn og Fjordane Næringsråd sitt hovudføremål er å arbeide med næringspolitiske saker for næringslivet i Sogn og Fjordane, og det er særleg inn mot sentrale styresmakter som regjeringa og Stortinget vi har hatt hovedfokus. Dei siste åra har vi vore med på å løyse mange viktige saker både for enkeltbedrifter og for næringar og mykje av dette har vi jobba med når vi har vore på Stortinget.

I 2020 har vi vore på Stortinget desse dagane 19.-22. mai, 2.-4.juni og 20.-23. november. Det har dessverre vore feire avlyste turar på grunn av koronarestriksjonar.

Saker 2018

- EL avgifta for datalagringsnæringa som kom i forhandlingane om Statsbudsjettet for 2019. LØYST I RNB 2020
- Kommersialiserte flyruter til Florø. Jobbar framleis med å få på plass dette.
- Nettleige. Ingen løysing enda men SFN er på saka.

2019/2020

- Sukkeravgift Lerum. LØYST I STATSBUDSJETTET 2021
- Kraftskatteutvalet. LØYST VÅREN 2020
- Havbrukskatteutvalet. LØYST VÅREN 2020
- Trafikklyssaka. Konsekvensar for havbruksnæringa i vårt produksjonsområde. Det er rettsak mellom næringa og staten.
- BANO. Godkjenning av ny baderomløysing. Regelendring i Husbanken. LØYST SOMMAREN 2020
- Nasjonal Transportplan 2022-2033. Sendt høyringsuttale til Vestland fylkeskommune og Regjeringa. Skal handsamast i Stortinget i juni.
- Stad skipstunnel. (Del av SFN sin høyringsuttale til NTP) LØYST I STATSBUDSJETTET FOR 2021
- ViteMeir, økonomisk støtte og oppbygging.
- Flåm nullutslepp 2026. Krevjande for våre medlemar i Flåm.
- Taksonomi EU. Berekraftig finansiering og utbygging av vasskraft.
- Stryn Energi. Nedklassifisering av Innvik Kraftverk
- Studentjobb. Samarbeid mellom Høgskulen, Sparebankstiftinga, næringslivet i Sunnfjord og Førde som studiestad.
- Koronapandemien og konsekvensar for næringslivet i Sogn og Fjordane. HOVUDSAKA I 2020.



Flåm 18.mai 2020 kl 1700

Stad skipstunnel.

Det har vore ei lang reise å få på plass oppstartløyving til Stad skipstunnel og dette har vore ei viktig sak for Sogn og Fjordane Næringsråd heilt sidan skipinga i 2016. SFN har vore fadder for innspel til RNB i juni og vi var på høyringa til startbudsjettet med ein høyringsuttale saman med Bergen Næringsråd og Næringsforeningen Ålesundregionen i oktober. Dette samarbeidet har blitt lagt merke til i næringslivet og på Stortinget og SFN har fått mykje kred for det arbeidet som er gjort i innspurten av forhandlingane om statsbudsjettet.

Det var ekstra stas at Sogn og Fjordane Næringsråd vart invitert til feiringa og kakefesten i Måløy og det var kjekt å kunne dele ut blomster til Randi Humborstad og Rolf Domstein i styringsgruppa for Stad skipstunnel. No blir det ei spennande reise fram til opninga om 4-5 år. Stad skipstunnel kjem til å bli eit svært viktig løft for næringslivet i heile regionen og langs heile kysten. SFN skal stille opp vidare også om det er ønskje og behov for det.



Viktige besøk i Sogn og Fjordane.

Sogn Fjordane Næringsråd hadde besøk av finansminister Jan Tore Sanner på PEAK Sunnfjord 14. februar. Det var rett før koronapandemien kom og rett før regjeringa tok av avgjer om kraftskatt og havbrukskatt. Vi fekk høve til å legge fram SFN sine høyringsinnspel og andre næringspolitiske saker. Sparebanken Sogn og Fjordane hadde også eit innlegg om næringslivet i SF og andre aktuelle saker. Finansministeren tok seg god tid på PEAK Sunnfjord og ein besøkte alle bedriftene som var på PEAK. Det vart knytt mange viktige kontaktar som har blitt brukt flittig sidan. Særleg gjeld dette koronatiltak og kompensasjonsmidlar.



Sogn og Fjordane Næringsråd jobba ein god del inn mot Nærings- og Fiskeridepartementet siste åra med trafikklyssaka og havbrukskattesaka. Etter at Odd Emil Ingebrigtsen vart statsråd har det vore kontakt fleire gongar og SFN fekk høve til å treffe han på ei samling i Florø 1. september. Saka med trafikklys og regulering av produksjon av laks i vår område er til handsaming i rettsvesenet og det vil uansett vere ei viktig sak å følgje opp for SFN framover.



Eit anna viktig besøk i 2020 var distrikts- og digitaliseringsminister Linda Hofstad Helleland. SFN var med på eit bedriftsbesøk på Lefdal Mines og var vertskap for ein middag på Hoven der vi hadde invitert med IT Forum Vest. Vi fekk god tid til å prate om både distriktpolitikk og digitalisering i tillegg til at Richard Grov fekk orientere om arbeidet for å få bygt Loen Skylift og aktivitetane på Alexandra Hotell. Arild Bødal var med frå styre i SFN og vi kjem til å halde kontakten med departementet framover



Samarbeid i nye Vestland fylke.

Sogn og Fjordane Næringsråd har hatt eit svært godt og konstruktivt samarbeid med den nye fylkeskommunen både politisk og administrativt og vi har ei open dør til dei prosessane som går i Vestland fylkeskommune. Det er også utvikla eit svært godt og tillitsfullt samarbeid med Bergen Næringsråd og NHO Vestlandet.

Det same gjeld til Næringsalliansen i Hordaland som i 2020 var 14 organisasjoner frå alle delane av Hordaland. Alt dette samarbeidet vil vere viktig for å nå fram nasjonalt, og det vil også vere viktig for å kunne målbere viktig saker for næringslivet i vår del av Vestland. Det er også svært inspirerande å jobbe saman med så mange dyktige folk for felles næringspolitiske saker og for næringslivet i heile Vestland.

Sogn og Fjordane Næringsråd vart medlem i Næringsalliansen frå 1.1.2021 og frå same dato vart Næringsalliansen Vestland skipa.



Scenarioanalyse for næringslivet i Vestland

Sogn og Fjordane Næringsråd har vore med å utarbeida ei omfattande scenarioanalyse for næringslivet i Vestland som skal vere med på å danne grunnlaget for den første næringsplanen i Vestland fylke. Den vart lagt fram i Bergen 28. oktober og Sogn og Fjordane Næringsråd var vertskap for ein presentasjon i Førde 3. november. EY har utarbeida analysen og det er eit svært grundig og viktig arbeid som næringslivet kan ha god nytte av dersom ein ønskjer det.

Det skal no arbeidast vidare med 5 regionale scenarioanalyse i Vestland, og det er svært viktig at dette arbeidet får ei brei forankring i næringslivet om det skal bli det styringsdokumentet som ein har ønska.




Samandrag.

Sogn og Fjordane Næringsråd har jobba mykje med konsekvensane av koronapandemien i 2020 og vi kjem til å halde fram med det så lenge det er behov for det. SFN har også markert seg på ein positiv måte i det politiske miljø både regionalt og nasjonalt gjennom arbeid med enkeltsaker for bedrifter og næringar og høyringsinnspeil til statsbudsjettet og planarbeid i Vestland fylkeskommune. Etter at styre gjorde vedtak om prioriteringane i NTP i januar 2020 har ein også kunne jobba målretta for våre prioriteringar i året som har gått. Dette arbeidet held fram heilt til Stortinget skal handsame NTP i juni 2021. Berekraft og klima vil også vere svært viktige saker for SFN framover.

Sogn og Fjordane Næringsråd er svært takksame den støtta vi har fått frå fadderbankane Sparebanken Sogn og Fjordane og Sparebanken Vest og vi er også svært takksame for at så mange medlemar har blitt med oss på heile reisa frå 2016. Dette er heilt avgjerande for at vi skal ha tyngde inn i dei sakene vi jobbar med. Det er også svært gledeleg at fadderbankane vidarefører støtta og at Sogn Sparebank og Luster Sparebank går inn med støtte i 2021.

Sogn og Fjordane Næringsråd håpar at samfunnet så snart som råd kan kome tilbake til ein normalsituasjon og at heile næringslivet vårt kan sjå lys i tunnelen. Sogn og Fjordane Næringsråd ønskjer å bidra så sterkt som vi kan til at dette skal skje og vi ønskjer å halde ein tett og god kontakt med alle medlemane våre gjennom desse krevjande tidene.

Hornindal / Sogndal 10.mars 2021


Yngve Hallén
 Styreleiar


Bjørn Lødemel
 Dagleg leiar